

## QUÆSTIO MEDICA

Quodlibetariis disputationibus manè discutienda in Scholis Medicorum die Jovis decima quinta Novembris.

M. CLAUDIO QUARTIER, Doctore Medico, Præside.

*An in quavis hæmorrhagiâ admoenda naribus astringentia?*

**S**ANGUIS, in quo triste jacet hoc vivere nostrum, ex quatuor naturis confatur, quæ quatuor elementis proportionem respondent: hunc, licet indolis adeo diversæ, unus tamen calor producit, quatenus idem calor est princeps naturæ & animæ instrumentum. Quandiu autem sanguis non exuberat & servat integritatem, tandiu functiones omnes naturales vigent & bellè obeunt, & ab eo universa penè vitæ commoda producant, ut quo tanquam rore benefico intus corpus perfunditur, quem ut salutare pabulum innumeris particulis affluens, partes magna varietate distinctæ proleant, eoque gaudent quod sibi familiaris est & magis amicum, sicut stirpes prope infinitæ omnis generis succum, quem naturaliter tellus possidet, sugunt & in sui substantiam commutant. Quoniam vero jecur absque consilio sanguinem conficit, ejusque redundantia nusquam non naturam molestat, quæ tum suis ipsa virtutibus oneratur, suspecta debet habere sua bona quicumque sanguinem aut uberiorem aut ab infito tenore deficientem in se continet. Et ut natura sibi soli relicta in morbis melancholicis excretionem succi feculenti per hæmorrhoidum vias provocat, sic in *παλυσμία* seu nimia sanguinis ubertate, illiusque everla temperie, liberalem per nares hæmorrhagiam ciet, quæ etiam aliquando eâ invitâ licet & repugnante cietur: utramque qui suppressere tentat astringentium usum, quæ naribus curat admoeri, graviter peccat in rem ægotantium, cum ex coactis in angustum sanguinis & spirituum æstuantium copiis, difficillimorum fiat affectuum concursus atque impetus, quos funesta ut plurimum symptomata consequuntur.

**A**'IMOPATIA *αἱματὶς ἐξουσία* sonat profluvium sanguinis ex iis quæ ad nasi radicem excurrunt vasorum ostiis: hæc uni homini familiaris est, ut qui sit *μεγαλοπνεύμων*, & erectam figuram sanguinemque spiritibus divitem habeat. Fluoris illius multiplex esse ratio dicitur, pro cuius distinctione tum naturaliter tum criticè tum præternaturæ accidit: naturalis cadit in Ephebos, dum veneris capaces vocem incipiunt ætatem reddere, & identidem per superas eas partes sanguinem excernunt: critica febres ardentes perfecit indicat, cujus beneficio planè consanescunt quæ videbantur lethales, comparatâ scilicet meatuum libertate, hacque datâ viâ vitiosæ materiæ, cujus molestia enixè natura studet sese expedire: quæ demum vi morbi symptomatica dicitur, sæpè summum naturæ impedimentum includit, unaque est effusa & effrenata, quæ modestiæ fines transilientem humorem arguit, nullâ ægrorum levatione, seu potius novâ calamitatum accessione, altera levior est, quæ frequenter denotat irritum naturæ conatum, hæc enim præ sui infirmitate agit, non peragit, inceptat quod non potest perficere, undè substillum illud è naribus sæpius symptoma terrificum, malique ominis existimatur, atque omnino damnatur, ut morbi malignitatis ac virium imbecillitatis firmissimum argumentum.

**Q**UEMADMODUM non mirum est disrumpi dolia, quoties nimis implentur, & mustum spiritibusurgidum in iis fervet, sic in sanis & adolescentibus, ubi rubet corpus, plenæque venæ tument, non infolens referatis narium vasis sanguinem proflire, quem vix capiunt cum in iis redundat, aut immodicè calet & effervescent, in inflammationibus internis aliisque morbis gravissimis multâ & effera bile commistus, aut æcum motu morbi vel viscerum *αἰματὶς* naturæ legibus & imperio refractarius & cedere nescius, quâ datâ portâ ruit, hinc videre est vires corrumpi, undè futuram sibi parare solent, sic sanguis jactatus, agitatus, fusus, tenuior magisque biliosus & fluidus evadit, totusque mutatur ab ipso, ad caput rapitur, hujusque floris author est, quem sæpè ob illius præsentiam è partibus inferioribus ad superiores translati suffusa robore facies denuntiat, ex eodem humore partes exquisitissimi sensus divellente dolor capitis maximè circa frontem & tempora prægrands declarat, necnon venarum repletio & compressio, articularum pulsatio, ut & narium titillatio ex sanguine fervidiori & subtiliori per hæc loca sibi viam querente significare adsolent, quæ symptomata crebrò præcedit atque comitatur disentio hypochondrii dextri, in quo hepar thesaurus humoris gratiosi, *αἱματώδους* officina, *ἡ φλέβα ῥέγμα* suam habet stationem.

**A**STRINGENTIA, quæ Græcis *σπινγία*, qualiâ vulgo perhibentur plantago, poma mandragoræ, sumach, alumen, radix nigellæ, lapis hematites, & pleraque alia, non sunt unius generis & ingenii, nec omnium est una vis æqualis; quædam frigida qua pollent virtute, alia crassa & terrenâ substantiâ, qualis in acerbis, austeroque saporeprehenditur, hæc ex naturâ suâ involuta innatâ vi suos effectus exerunt: Eorum omnium facultas se prodit, dum meatus contrahunt, angustant, occludunt, humoris influxum in partem aliquam prohibent, & intrò remeare cogunt, sicque incensa partis molestus ardor videtur aliquandò sedari, dolor durus deliniri, abscessus arceri, verum id insidiosè, minusque fausto ut plurimum eventu contingere solet; cum humor iste depravatus, quem bilis æstus concitat, benè penitus in interiores partes refluent, strages edat acerbiores; vixque præterea sit ullum morbi genus, quod sanguinis exuperantiam aut ejusdem vitiositatem pro parente non agnoscat, qui ut exhaustiatur & ad caloris modum revocetur, tum vacationem, tum purgationem postulat, in hoc salutem positam putes, adeo ut nomen incurrat *αἱματὶς*, & errantis totâ viâ, quæprensus hisce præcipuis adjunctis, in bubonibus, parotidibus, variolis, erysipelatis, & aliis consimilibus, humores incandescentes & ad superficiem corporis irruentes, astringentibus admotis regere nititur, quos potius illicere atque vi rapere, si tardius ferrentur, conducere.

**O**BSTUPET hianti ore elementis Medicinæ vixdum imbutus, cum sanguinem è narium vasis erumpentem videt: pro vulgi more hunc ilicò sistendum esse pronuntiat, & in hunc usum quasi novo quodam aucupio, famosum stypticum naribus adhibendum, in quo post habitis cæteris præsidii omnia putat esse collocanda, parum sollicitus, an natura sit author illius excretionis, an vi & malitiâ morbi proritetur: apud illum novum est sanguinem hunc efferum & catulientem temerè suppressum, modo in viscera irrumperet, modo convulsionem, apoplexiam, aliisque perniciosos affectus parere, qui frequenter ægris commoriantur, sicut intempestivè facta hæmorrhoidum suppressio, hydropem tabem & aliud quid calamitosum secum importat, quæ convenienter fluentes omnia ferè declinant mala, cerebri, thoracis, hepatis, lienis, atque adeo corporis universi. Salutaris disciplina longè aliam præscribit rationem aquis legibus munitam hæmorrhagiæ curandæ, à quibus discedere piaculum est: quæ naturæ conatum sequitur, *αἱματὶς τὴν φύσιν τοῦ σώματος*, omnino sinendam esse decernit, hancque acceptam ferendam ejusdem providentiæ, quæ per cognitâ sibi viâ sanguini superfluo nec non sibi gravi & morborum plurimorum fomiti copiam facit exendi: quæ præter naturam est, docet sensim coercendam cordis & hepatis fervore temperando per idoneam victus legem, frictionibus brachiorum & tibiarum, cucurbitulis affixis scapulis & summæ cervici, cæterisque armaturæ quidem levioris auxilii, verum tanquam palmario præsidio, venæ sectione quantum vires ferent in locis commodis celebrata & multoties repetita, cujus ope præsentissimâ effrenis hujus & commoti succi per nares profluentis motus intercipitur, reprimitur impetus, & alio dato itinere prorsus compescitur, sicque non perversâ curatione, sed multò utiliùs, perfectiùs securiùs prædictâ viâ & ratione plurimum arti consentaneâ hæmorrhagiæ medebitis.

*Non ergo in quavis hæmorrhagiâ admoenda naribus astringentia.*

DOMINI DOCTORES DISPUTATURI.

M. Nicolaus Pelletier.  
M. Renatus le Conte.  
M. Franciscus Affort.

M. Nicolaus de Jouvanci.  
M. Germanus Preaux.  
M. Petrus Daquin, Medicus Regis perpetuò ordinarius.

M. Guillelmus Petit, Serenissimi Delphini Medicus primarius.  
M. Rolandus Merlet.  
M. Claudius Perraut.

Proponebat Lutetiæ FRANCISCUS GOUEL, Parisinus Baccalaureus Medicus. A. R. S. H. 1685.

